

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Z E N I C A
Broj: T04 0 KT 0056630 24
Zenica, 22.07.2026. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
ZAVIDOVIĆI

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

O P T U Ž N I C U

Protiv:

1. S. H.-1, ...,

2. S. H.-2, ...,

što su:

dana 27.12.2023. godine oko 16,30 sati, na području grada Zavidovići, u mjestu ..., na lokalnom putu u blizini kuće S. S., svjesni da učestvovanjem u tuči druga osoba može zadobiti tešku tjelesnu ozljedu, to i htjeli, izazvali tuču u kojoj su sa jedne strane učestvovali S. S. i njegov sin S. H.-2 a sa druge strane S. H.-1 sin H. u kojoj je jednom licu nanesena teška tjelesna ozljeda, na način da je u momentu prolaska S.H.-1 sin Huse pored S.S., S.S. opsovao S.H.-1 sin H. mater i uhvatio ga rukama za prsa uslijed čega su obojica pali na tlo gdje je došlo do međusobnog naguravanja u koju tuču se umiješao S. sin S.H.-2, držeći u ruci nož na rasklapanje tzv. čakiju sa drvenom drškom dužine 12 cm i oštricom dužine 10 cm, da bi tada S.H.-1 uhvatio S. sina S.H.-2 za ruku u kojoj je držao nož pa je došlo do međusobnog naguravanja sve trojice, a nakon što je S.H.-2, sin S., zamahnuo nožem, S.H.-1 sin Huse se otrgnuo i pao u njivu ispod puta, a preko njega oštećeni S. i njegov sin H.-2, uslijed čega je S. S. zadobio tešku tjelesnu ozljedu u vidu ubodne rane u predjelu lijeve strane grudnog koša,

dakle, učestvovali u tuči u kojoj je jedna osoba zadobila tešku tjelesnu ozljedu,

čime su počinili krivično djelo Učestvovanje u tuči iz člana 174. u vezi sa članom 31. Krivičnog zakona F BiH.